

UJAQQAT AATSITASSALLU PISSANGANARTUT SUUT SUMIIFFIMMIPPAT?



UJARAK IKIORUK.

UJAQQAT ASSIGIINNGITSUT KATERSUKKAT
AAMMALU UJAQQAT SUUNERSUT
PAASINIARNERANUT INERSIMASUMUT IKIORTIGIT.
UJAQQAT ILAI MANNERLUINNARTUUPPUT,
ALLAT PATTALAARAANNI ASERORSINNAALLUTIK.
UJAQQAT MISISSUKKIT AAMMALU QAARSUT
SUUSSUSERPASSUI KALAALLIT
NUNAATA SANANEQAATAI
PAASISIMANISSAANNUT
UJARAK IKIORUK.

ANGUNIAGAQ

Meeqqat ujaqqat, qaarsut qaqqallu pillugit ilikkagaqasapput. Ujaqqat assigiinngitsut qanoq ateqarpat, qanorlu assigiinngissuteqarpat.

PIAREERSARNEQ

Ujaqqat suut sumiiffissinni nalinginnaasuunerpaanersut oqaluuserisiuk. Assersuutugalugu tassaasinnaapput ukkusissat, granit-it, gnejs-it basaltillu.

PAASISSUTISSAT

Atuagaqarpoq "Nanu" – Kalaallit Nunaanni nunap sannaa – paasisassar-siortunut ilaagit. Tassani ujarassiorneq pillugu pissanganartorpassuit ilinniarneqarsinnaapput.

SAMMISASSAQ

Ujaqqat assigiinngitsut katersorsigit, meeqqallu ujaqqat suunersut paasiarneranni ikiorlugit. Ilai manngertorujussuupput, allallu pattakkaanni aserorsinnaallutik. Ujaqqat misissorsigit aammalu ujarapassuit Kalaallit Nunaata sananeqaatai paasisimarrilennissaannut Ujarak ikiorsiuk. Immaqa sanalut-tarfik pulaarsinnaavarsi, tassanilu eqqumiitsuliortut ujaqqat sumut atortarne- raat oqaloqatigalugit

OQALOQATIGILLUARNERIT

- Qaarsuit ujaqqallu Kalaallit Nunaanni nunap iluaniittut pillugit meeqqat oqaloqatigisigit.
- Sioqqat, ujaqqat, qaarsut qaqqallu taakkuninnga aamma sanaajusut, kisianni assigiinngitsunik angisuseqaannartut oqaluuserisiuk.
- Ujaqqat qaarsullu taamaasa illulionernut, aatsitassanik piaanermut il.il. atortakkagut oqaluuserisigit.

UJARASSIORNEQ QAQQAT
UJAQQALLU QANOQ
PINNGORTARNERANNUT
TUNNGASSUTEQARPOQ,
ASSERSUUTIGALUGU
QAQQANI INNERMIK
ANITSISARTUNI.

